

وقفات مع سورة (ق) | #خطبة_جمعة | د. حازم شومان

حازم شومان

فتصفوا النفس حيناً بعد حين وتقبل باشتياق للطاقي فذكروه تحيا بكم العقول النيران ينادي الجلال ان الحمد لله ان الحمد لله
نحمده ونستعين به ونستغفره ونعوذ بالله من شرور انفسنا ومن سيئات اعمالنا. اللهم انا نعوذ بك من شرور - [00:00:00](#)
في انفسنا ومن سيئات اعمالنا انه من يهده الله فلا مضل له. ومن يضل فلا تجد له هاديا مرشدا. يا ايها الذين امنوا اتقوا الله حق
تقائه. ولا تموتن الا وانتم - [00:01:00](#)
انتم مسلمون. يا ايها الناس اتقوا ربكم الذي خلقكم من نفس واحدة. وخلق منها وبث منها رجالا كثيرا ونساء واتقوا الله الذي تساءلوا
به والارحام. ان الله كان عليكم رقيبا. ان الله كان - [00:01:20](#)
ايكم رقيبا يا ايها الذين امنوا اتقوا الله وقولوا قولا سديدا. يصلح لكم اعمالكم. ويغفر لكم ذنوبكم ومن يطع الله ورسوله فقد فاز فوزا
عظيما. اللهم صل على الحبيب محمد وعلى ازواجه امهات - [00:01:50](#)
مؤمنين وعلى ذريتي وال بيته انك حميد مجيد. اما بعد فبعد يعني نصيحتي لاخواني او من اخواني ان يتقاربوا في الصفوف
ليوسعوا لاخوانهم القادمين باذن الله سبحانه وتعالى. تفسحوا في المجالس يفسح الله لكم - [00:02:14](#)
هنتخيل الفسحة اللي الله يعطيها لك في حياتك لانك افسحت لايك لانك افسحت مكانا لايك جمال الاخوة في الله اخواني في
الله جمال الحب في الله وجمال ان احنا نصاع بعض يعني تخيل كده انك في السانوية العامة وزهرت قبل ما تطلع النتيجة زهر نسبة
النجاح - [00:02:34](#)
قال لك نسبة النجاح في السانوية العامة عشرين في المية. هيبقى قلبك شكله ايه؟ هيبقى توترك شكله ايه؟ زي ما قالوا السانوية
الازهرية السنة دي مسلا نسبة النجاح ثمانية وعشرين في المية كل واحد في بيته طالب في السانوية الازهرية. قلبه وقف قد ايه. يا
تري يا جماعة يا ترى بعد مرور اسبوعين على رمضان - [00:02:54](#)
نسبة العتق من النار في رمضان اللي فات كانت كم في المية. نسبة الفوز بليلة القدر في رمضان اللي مكنت كم في المية؟ نسبة الفوز
بالعفو من الله في رمضان اللي فات كانت كم في المية؟ لو انت عرفت ان اللي فازوا في - [00:03:14](#)
قليوبية كلها في رمضان اللي فات بليلة القدر خمستاشر في المية مسلا. او ثلاثين في المية يا ترى هتبقى خايف قد ايه؟ احسن انت
ما تكونش منهم لو عرفت ان نسبة العتق من النار وهو اعظم من الفوز بليلة القدر. لان العتق من النار ما فيش نار. انت ممكن تكسب
حسنات وواحد - [00:03:34](#)
على القنطرة ياخذها كلها منك. ولكن العتق من النار ما فيش نار. نسبة العتق من النار لو عرفت انها في رمضان اللي فات كانت ثلاثين
في المية هيبقى خوفك شكله ايه؟ اخواني في الله يا ليت شعري من المقبول فنهنيه؟ ومن المخذول - [00:03:54](#)
انا قاعد قدامي الوقتي ناس منهم ناس فازت في رمضان بابواب الجنة الثمانية. منهم ناس فازت بليلة القدر واتحط في ميزانها قرن
من الزمان عبادة في ليلة واحدة بس. ومنهم ناس ما فازتش بالحاجات دي. ومنهم ناس - [00:04:14](#)
من الجوائز دي يا ترى انت مين فيهم؟ يا ترى تعرف مينين؟ ربنا قبل منك رمضان ولا لا؟ يا ترى تعرف مينين؟ ربنا ابن في رمضان ولا
لا؟ قال لك من علامة قبول الطاعة الطاعة بعدها. الطاعة دي زي شد الحبل بتشد حته يبجي اللي بعده. تشد اللي بعده - [00:04:34](#)
اللي بعده ان فتح لك في الطاعة والثبات والاستقامة بعد رمضان فهذا باذن الله من علامات ان الله قبل منك رمضان. وان الواحد ولا
تكون كالتي نقضت غزلها من بعد قوة انكاثا. بعد ما بدأ يبني. اوعى تهد اللي انت بنيت. اوعى تهد اللي انت بنيت في التراويح -

اوعى تهد اللي انت بنيته في التهجد. اوعى تهد اللي انت بنيته في الاعتكاف. اوعى تهد اللي انت بنيته في العشر الاواخر. اوعى تهد اللي انت بنيته في ليلة القدر - [00:05:14](#)

اوعى تهد اللي انت بنيته بمال حرام. اوعى تهد اللي انت بنيته. بسوء اخلاق في التعامل مع المسلمين. اوعى تهد اللي انت بنيته بالغيبة النميمة اوعى تهد اللي انت بنيته. بالعودة للمعاصي بتاعة قبل رمضان. اوعى تبقى عامل زي واحد لقي شيك بمليون دولار وقام مقطعه - [00:05:24](#)

وخسر كل اللي هو كان ممكن يكسبه. ما تخسرش. انت خارج من رمضان صفحة بيضا. ما تشخبطش فيها تاني. ما تفسدش فيها تاني اخواني واحبابي في الله المؤمن اذا ارتاح غفل. والنعيم لا يدرك بالنعيم. قال تعالى فاذا فرغت فانصب - [00:05:44](#) مش فاذا فرغت فالعب فاذا فرغت خلصت رمضان يلا ادخل على طاعة تانية لو ربحت الطاعة عاملة زي حصن لو انت خرجت من الحصن ده وريحت الشيطان هينشك. يبقى من حصن الحصن من طاعة لطاعة. فاذا فرغت فانصب اخواني واحبابي في الله - [00:06:04](#)

اخواني واحبابي في الله انقضى رمضان وسينقضي العمر كما انقضى رمضان. العمر كله هيروح زي ما رمضان راح. زي ما رمضان ما تفلت هو طبعا يا جماعة ما بيخلصش بسرعة آآ دونا عن باقي الشهور ولا حاجة. هو العمر بيخلص كده. بس رمضان لان احنا مركزين فيه شوية ومستمتعين به شوية زي العيد - [00:06:24](#)

الكبير والعيد الصغير الايام بتخلص بسرعة ليه ؟ لان احنا مركزين فيها شوية. مستمتعين بها شوية. فرحانين بها شوية. انما هو العمر كله بيخلص كده هو العمر كله بيتسحب كده! زي واحد دمه بينزف نقطة نقطة! لحد ما يموت وهو مش حاسس! انت عمرك بينزف يوم - [00:06:45](#)

قوم ليلة ليلة يا ترى يا اخواني لو انا قلت لكم اللي قام ليلة امبارح يرفع ايده كم واحد هيرفع ايده؟ لو انا قلت لكم اللي قعد النهاردة جلسة الضحى من اول صلاة الفجر في جماعة لحد شروق الشمس يرفع ايده. كم واحد هيرفع ايده؟ يا ترى يا اخوانا لو انا قلت لكم مين اللي بكر - [00:07:05](#)

صلاة الجمعة النهاردة يرفع ايده. كم واحد هيرفع ايده؟ عملت ايه بعد رمضان؟ رمضان غير فيك ايه؟ رمضان غير في وجهتك ايه؟ غير في عزيمتك ايه؟ غير في طموحاتك ايه؟ غير في اهدافك ايه؟ رمضان نقلك نقلة شكلها ايه؟ عامل ايه؟ اهم - [00:07:25](#) في سؤال عايز اسأله النهاردة ماذا بعد رمضان؟ في علاقاتك بالقرآن. عملت ايه مع القرآن؟ قعدنا طول رمضان وطول قبل رمضان نقول لخلق الله يا جماعة يا اخوانا ما تقعدش تقرا ورا بعضه ورا بعضه. ما انتاش عارف انت بتقرا ايه. يا عم ركب. يا عم - [00:07:45](#) القرآن ستميت صفحة نزلوا في ثلاثة وعشرين سنة. يعني معدل نزول القرآن سطر في اليوم. سطر في اليوم مش المهم انت قريت قد ايه. قد ما المهم انت دخل قلبك ايه. انت عشت مع معاني ايه؟ وكانت النتيجة ان فيه - [00:08:05](#)

في ناس خرجت من رمضان تقول كان اعظم رمضان في حياتي. لانه ربطني بالقرآن. وناس خرجت من رمضان تقول خلاص قفلنا وما اتفتحش من ساعة ما رمضان انتهى. ليه؟ لانه ما قرأش القرآن صح في رمضان. علاقتنا بالقرآن ايه؟ تعالوا يا اخواني في الله. نعيش مع سورة من سورة - [00:08:25](#)

القرآن تعالوا كده ترتبط بكتاب الله. تعالوا كده نعيش مع سورة من سور القرآن في هذه يعني النص ساعة بتاعة الخطبة نعيش مع بعض ايات من كتاب الله. نعيش مع سورة قاف. مع بعض وقفات من سورة قاف. اللي النبي عليه الصلاة والسلام كان بيقرأها في صلاة الفجر. وبيقرأها في - [00:08:45](#)

صلاة العيدين وبيقرأها على المنبر في خطبة الجمعة. لدرجة ان الصحابة حفزوها منه من كتر ما قرأها على المنبر عليه الصلاة والسلام. نعيش مع اربع شعارات او معهد ما يتيسر من هذه الشعارات الاربعة. اولاً والقرآن المجيد. ثانياً - [00:09:05](#) الم ينظروا الى السماء فوقهم؟ ثالثاً لقد كنت في غفلة. رابعاً واستمع او ما ينادي المناد والقرآن المجيد. الشعار الاولاني عارفين يعني

ايه القرآن المجيد؟ القرآن صاحب الامجاد. القرآن اللي امجاد الامة كلها بسبب - [00:09:25](#)

اكبر اعجاز للقرآن له الاعجاز العلمي وله الاعجاز البلاغي. اكبر اعجاز للقرآن الاعجاز التغييري. ان القرآن يقدر ترك. القرآن يقدر يغير

حياتك. يقدر يغير كل شئ في حياتك. سيدنا جعفر دخل على النجاشي ملك نصراني اقرأ - [00:09:45](#)

صدر سورة مريم فاسلم ملك من ملوك الدنيا بسبب صدر سورة مريم. انت قلبك حصل فيه ايه بسبب سورة مريم؟ قلبك اتغير في ايه

؟ لما منقذ ابن حيان جه للنبي عليه الصلاة والسلام. واسلم على يديه رجع لقبائل بني عبد القيس وبني ربيعة دعاه - [00:10:05](#)

للاسلام بسبب قصة معينة واسلموا كلهم. جم للنبي عليه الصلاة والسلام مسلمين. قبائل بني عبد القيس وقبائل بني ربيعة دلوقتي.

البحرين الكويت الامارات قطر جوة المجلس التعاون الخليجي. اسلمت بسبب تاجر مشرك راح اسلم على ايد النبي عليه الصلاة

والسلام - [00:10:25](#)

واتعلم سورة الفاتحة وسورة اقرأ. سورة الفاتحة وسورة اقرأ اسلم بسببها دول مجلس التعاون الخليجي. انت الفاتحة واقرأ عملت في

قلبك ايه لا انسى راعي الكنيسة البروتستانتية في مصر. اكبر قسيس بروتستانتية في مصر. ابراهيم خليل فيلبس. اسلم وانا باقرأ

في الكتب بتاعته بعد ازك - [00:10:45](#)

قال انا اسلمت بسبب اني سمعت قول الله قل اوحى الي انه استمع نفر من الجن فقالوا انا سمعنا قرآنا عجا بسبب ايتين من سورة

الجن. اكبر قس بروتستانتية في مصر اسلم. انت القرآن عمل في قلبك ايه؟ القرآن غير في قلبك ايه - [00:11:05](#)

القرآن يقدر يغيرك. القرآن يقدر انه يصلح لك كل حاجة في حياتك. عشان كده اول اية في سورة قاف والقرآن المجيد. واخر اية في

سورة قاف فذكر بالقرآن من يخاف وعيد بدأت بالقرآن وانتهت بالقرآن ليه؟ سورة قاف نازلة في عام الحزن في اسود سنة -

[00:11:25](#)

في تاريخ الاسلام نازلة في عام الحزن. طب نصبر على الهم ده ازاي؟ نصبر على البلاء ده ازاي؟ القرآن. القرآن هو الحل ان هو الحل لو

عايز تسمت؟ القرآن هو الحل لو عايز توصل لربنا عشان كده السورة اللي قبل سورة قاف سورة ايه في المصحف سورة ايه -

[00:11:45](#)

الحشرات الحجرات نازلة في عام الوفود. تسعة هجرية. عام الوفود كل العرب جاين يسلموا على ايد النبي. سورة قاف اللي بعدها

نازلة في عام حزن يعني صورة الحجرات نازلة في اسعد سنة في تاريخ الاسلام. بعدها سورة قاف في - [00:12:05](#)

اسود سنة في تاريخ الاسلام. والاتنين جنب بعض. طب يا رب بعد الحجرات ترجعنا تاني لعام الحزن ليه؟ يبجي بعد الحجرات وعامل

الوفود والعلف كله جاي يسلم. نرجع تاني للصورة بعدها في عام الحزن ليه؟ كأن المعنى لما يتفتح عليكم او عوا تنسوا ان كل اللي انتم

فيه ده بسبب القرآن - [00:12:27](#)

ان كل المجد اللي انتم فيه ده بسبب القرآن ليه؟ ها؟ المجيد. او عوا لما توصلوا للامجاد. او عوا لما يبقى الامة ذات امجاد وساط

حضارة والعالم كله جاي يسلم على ايديكم. وبتقاتلوا الفرس والروم وتنتصروا عليهم. وبقي فيه خلافة اسلامية. وبقي فيه حضارة -

[00:12:47](#)

اسلامية او عوا تنسوا ان سبب الامجاد دهي كلها القرآن المجيد. فجاء وصف القرآن بعد الحجرات على طول والقرآن المجيد. القرآن

صاحب الامجاد. عايزين الامة ترجع تاني للامجاد. عايز حياتك تتملي بالامجاد. ارتبط بالقرآن المجيد - [00:13:07](#)

والقرآن المجيد. ثانيا افلم ينظروا الى السماء فوقهم؟ افلم ينظروا الى السماء فوقهم؟ يعني ايه فوقهم؟ يعني انت ما انتش محتاج

تركب تاكسي ولا اركب مواصلة ولا تمشي كذا كيلو عشان تتدبر في خلق الله. ارفع راسك بس كده اهي فوقك. وانت في مكانك. بس

ارفع بس مفصل الرقبة كده - [00:13:27](#)

وبص وتدبر في شاشات العرض الجبارة. شاشات العرض الجبارة اللي بتعرض مشاهد قدرة الله وجلال اربعة وعشرين ساعة. بص قبل

ما تتقفل. بص قبل قول الله والسموات مطويات بيمينه الحق تدبر الحق شف اعجاز ربنا في الخلق. شف ربنا عمل ايه؟ شف

امجاد افعال الله سبحانه - [00:13:51](#)

وتعالى يطلع الوقتي شباب يقول لك اين الدليل على وجود الله ويطلع الوقت شباب الحادي وشباب ربوبي وشباب ينكر وجود الله سبحانه وتعالى. افلم ينظروا الى السماء فوقهم؟ ما بصوش الناس دي ما شافتش يا جماعة؟ الناس دي ما تديرتش - [00:14:21](#) يا جماعة يعني تخيل انك سافرت فرنسا ففرجوك على برج ايفل. فانت بتبص من عجائب الدنيا السبعة. فانت مبهور به. فبتقول هو هو ايفيل المهندس ايفل بناه ازاي؟ فقال لك ايفل مين يا عم انت مصدق الكلام ده؟ فبتقول له او مال البرج ده اتعمل ازاي؟ قال لك ده بقى من كذا الف سنة كان فيه هنا جبل - [00:14:40](#)

فحصل زلزال فالجبل انفجر في امن كون برج ايفيل. يبقى اللي بيقول الكلام ده عيل ولا مجنون؟ ده انسان مجنون. ده انت لو رحت اشهر الامراض العقلية وقلت لهم الكلام ده. يقولوا على اللي بيقولوا مجنون. فاذا كان برج ايهفل ما ينفعش من غير صانع. امال الكون ده او مال الاعجاز الكوني - [00:15:00](#)

البتاع ده او مال العشرين مليون نوع كائن حي اللي على وجه الارض ازاي من غير اله؟ العشر تلاف نوع طير اللي بيطيروا في الهوا ازاي من غير اله المية وعشرين الف نوع نمل اللي موجودين في الارض ازاي من غير اله! ازاي! من غير اله! الالف مليار خلية اللي في جسمك - [00:15:20](#)

ازاي من غير اله؟ تخيل واحد دخل مكتبة فهو بيدور على كتاب يشتريه. لقي رواية لفت نزره العنوان المسير جدا بتاعها ولفت نزره الصورة التحفة المعبرة على الغلاف فبدأ يفتح الرواية وهو واقف في مكانه جوة المكتبة فلقى الدخلة فيها ابداع - [00:15:40](#) وحبكة درامية ورسم الاشخاص في الرواية في قمة الروعة والابداع. لدرجة ان هو ما دراش بنفسه. قعد يقرا وهو واقف على رجليه لحد ما خلص الرواية. فلما خلص الرواية جري على صاحب المكتبة. قال له لو سمحت الرواية دي بتاعة مين؟ مين اللي مؤلف الرواية التحفة دي - [00:16:00](#)

الرواية الابداعية دي مين اللي مؤلفها؟ صاحب المكتبة قال له الرواية دي؟ قال له اه. قال له ما حدش. قال له يعني ايه ما حدش مؤلفها؟ الرواية والحبكة الدرامية ورسم - [00:16:20](#)

اشخاص ومين اللي راسم اللوحة التحفة دي ومين اللي اختار الاسم القوي ده للرواية؟ قال له ما حدش. قال له امال ايه؟ قال له كان في واحد امبارح ماشي وكان معه قرد كده شمبانزي في ايديه - [00:16:30](#)

فالقرد قام خاطف ايده من ايد صاحبه وقام داخل على المكتبة هنا قعد على الكمبيوتر اللي هناك ده قعد يضرب يضرب على الكمبيوتر كده قام مطلع الرواية دي وبعد كده قام داخل على برنامج الرسمه قعد يشخبط قام مطلع الغلاف ده. وبعد كده خبط خبطتين قام مطلع العنوان ده. بالله عليكم ده كلام يعقل! ازا - [00:16:40](#)

ما صدقتش ان فيه رواية محبوكة من غير مؤلف. الكون ده مين اللي خلقه؟ الكون ده افلا بينزروا الى السماء ما بصوش ما شافوش ربنا قدرته عزيمة قد ايه. ما شافوش ربنا جلاله قد ايه. ما شافوش شاشات - [00:17:00](#)

ارض العملاقة الجبارة اللي قاعدة تعرض مشاهد قدرة الله في السماوات والارض دي شكلها ايه؟ ما بصوش. ماشي انت على شط البحر. لقيت قلعة رملية واحد قاعد يومين يعمل فيها. وعامل لها بقى شبابيك وعامل حوالها مجرى مائي. حاجة تحفة. فبتقول لواحد هي القلعة الرملية دي مين اللي بناها؟ مين الشاب - [00:17:20](#)

اللي عارف يعمل ده قال لك ما فيش. قلت له ازاي؟ قال لك ده البحر امبارح كان هايج. قعد يضرب الموج في الرمل قام مطلع القلعة دي. جنون يا جماعة! جنون - [00:17:40](#)

لو قلت لك الايفون اتعمل من غير ستيف جوبز هتقول لي يا سلام! طب العقل بتاع ستيف جوبز اللي عمل الايفون ازاي اتعمل من غير صانع! ازاي اتعمل اين العقول يا اخواني في الله؟ اولئك الشباب الذين يتهمون الله في وجوده اولئك الشباب الذين يشكون -

[00:17:50](#)

في وجود الله لم يقرأوا القرآن. ولم يتدبروا في ملكوت السماوات والارض. عشان كده ربنا قال لسيدنا عن سيدنا ابراهيم وكذلك النوري ابراهيم ملكوت السماوات والارض وليكون من الموقنين. الطريق الى اليقين تدبر - [00:18:10](#)

في خلق الله ولكن مين اللي يعيش يا جماعة؟ عشان كده يا اخواني عشان كده الصفحة الاولى في سورة قاف افلم ينظروا الى السماء النخل باسقات حب الحصيد كله الايات اللي قدام عينك. تقلب الصفحة ونفخ في الصور وجاءت كل نفس معها سائق وشهيد - 00:18:30

وتقول هل من مزيد وازلفت الجنة ايه ده الصفحة الاولى كلها مرثيات مرثيات قدام عينك ايات انت شايف والصفحة الثانية كلها غيبيات. حاجات ما انت شايفها. لا انت شايف سائق وشهيد ولا انت شايف المتلقين ولا - 00:18:50
انت شايف القعيد اللي بيكتب الحسنات والسيئات شايف حاجة. طب ليه ربنا بدأ بدي قبل دي؟ كأن الايات بتقول لك قبل ما اكلمك عن انت ما انتاش شايفه هاكلمك عن اللي انت شايفه. قبل ما اكلمك عن الغيب اللي مش قدام عينيك. هاكلمك عن اللي قدام عينيك - 00:19:10

ولو انت بصيت صح هتوقن ان اللي عمل الصفحة الاولانية يقدر يعمل اللي في الصفحة الثانية. اليقين اليقين في الله يا جماعة. اليقين في الله اعظم نعمة في الحياة. كأن المعنى كل واحد منا هيوصله الرسائل الربانية - 00:19:30
في حد عنده في الخاص بتاعك في صندوق الرسائل الخاص بتاعك. ربنا هيوصل رسايه للي قاعدين في الملاهي الليلية. واحد آآ يعني يعني سبحان الله العظيم! يعني اخونا الشيخ ايمن معنا اهو يعني يعني يقول مرة في - 00:19:50
مكان من الاماكن راجل مغني طالع يغني مات. الراجل مات مات يعني يعني قبل ان يؤدي يعني من الاخر كده يا جماعة لو انت ملك هاوصل لك عبرة في دنيا الملوك. لو انت غني هوصل لك عبرة في دنيا الاغنياء. لو انت شاب بعيد عن ربنا - 00:20:10
فصل لك عبرة في قلب اصحابك وانت قاعد معهم. يعني ربنا هيوصل لك رسايه. اقبل رسائل الله. اقبل وتجاوب. لقد كنت في غفلة. الشعار الثالث لقد كنت في غفلة من هذا فكشفنا عنك غطاءك. الصفحة الثانية في سورة قاف يا جماعة جمعت كل - 00:20:30
كل مراحل الدار الاخرة. بل الصفحة الثانية في سورة قاف من اول قول الله سبحانه وتعالى. ولقد خلقنا الانسان ونعلم ما توسوس بنا لحد اخر اية في الصفحة لهم ما يشاؤون فيها ولدينا مزيد. الصفحة دي جمعت كل مرحلة دار الاخرة. الصفحة دهى فيها - 00:20:50
التفاصيل عن الدار الاخرة لم تذكر في القرآن كله الا في هذه الصفحة. ايه الصفحة العجيبة دي؟ ايه الصفحة اللي بتعالج الغفلة؟ لقد كنت مش غافل في غفلة فيه غرقان. فيه ناس غرقانة. فيه ناس مش عايزة تفوق. فيه ناس مش عايزة تفهم. فيه ناس مش عايزة - 00:21:10

دين في حياتها والعياذ بالله والغافل اخطر من العاصي. العلماء اختلفوا. العاصي العاصي يعني اللي بيزني وبيشرب خمرة. اخطر ولا الغافل الغافل اللي بيزني ولا بيقوم ليل لا بيشرب خمرة ولا بيصوم. كده غافل يعني ايه؟ يقول لك انا ماشي في النص. قال لك الغاف الاخضر - 00:21:30

ليه؟ قال لك لان العاصي ده هيعمل كبيرة من الكبائر هيفوق. ضميره هيفوق. انما الغافل ما بيفوقش. تيجي تكلمه عن ربنا يقول لك ليه هو انا بعمل حاجة غلط؟ فقال لك الغافل اخطر من العاصي. عشان كده الايات بتقول لقد كنت في غفلة بعدها القياها في جهنم. هو - 00:21:50

رب الغفلة بتودي جهنم زي ما المعصية بتودي في داهية. الغفلة بتودي في داهية. عشان كده النبي عليه الصلاة والسلام قال عن رمضان قال ايه؟ رغم انك ادرك رمضان ولم يغفر له. الله! يا رسول الله هو التراويح فرض! هو التهجد فرض! هو الاعتكاف فرض! هو تحري ليلة القدر فرض - 00:22:10

مش فارض ولكن ان ربنا يعمل لك الوليمة الربانية دي وانت تزهد فيها هتتمرغ في تراب ارض المحشر يوم القيامة من النبي لما تشوف نص البشر دخلوا الجنة بسبب رمضان. وبسبب عشر ذي الحجة اللي جاية بعد شهر ونص. وانت ضيعت المواسم من ايديك. ضيعت الفرصة - 00:22:30

بين ايديك قال تعالى ولقد خلقنا الانسان ونعلم ما توسوس به نفسه. الوسوسة زكرت في القرآن مرتين. مرة مع الشيطان ومرة مع نفسي ونفسك النفس هي النفس زي الشيطان انت جواك شيطان وانت ما انتاش حاسس. نعلم ما توسوس به نفسه وسوس نفسك ده

هي وسوس الشيطان اللي جواك دي ربنا مراقبها - [00:22:50](#)

نفسك الانا الكبر الحقد حب المركز حب السناء حب الشهرة حب الموقع الصفات اللي خربت الامة بتاعتنا. امريكا خمسين ولاية حطوا ايديهم في ايدين بعض. وعملوا الولايات المتحدة الامريكية. عرفوا ان - [00:23:15](#)

ضحى انهم يتجردوا ويتعاونوا واحنا امة ممزقة مش اهل الدنيا تجردوا عشانها واهل الدين مش عارفين يتجردوا عشان الجنة مش عارفين يتجردوا. مش عارفين نعمل الولايات المتحدة الاسلامية. وهم بيعملوا الولايات المتحدة الامريكية عشان الدنيا عشان المصلحة الدنيوية - [00:23:35](#)

ونعلم ما توسوس به نفسه. خد بالك نفسيتك متراقبة. خواطر نفسيتك متراقبة. وساوس نفسيتك متراقبة. خد بالك من نفسك وامراض نفسك. ونحن اقرب اليه من حبل الوريد. قال الطاهر ابن عاشور في التحرير والتنوير. نحن اقرب اليه. زي ما ربنا قال ونحن - [00:23:55](#)

اقرب اليه منكم ولكن لا تبصرون. قال لك ده ساعة الموت. قال لك ده ساعة الموت. لما الملائكة بتبدأ تنزل. اذ يتلقى المتلقين. مين المتلقي القيام دول الفخر الرازي في مفاتيح الغيب قال لك ما فيش مفعول به. يترقوا ايه؟ قال لك يتلقوا روحك. ازاي؟ قال لك الاية دي ساعة - [00:24:15](#)

احتضار والروح بتطلع بيحي ملكين من فرقة ملائكة الموت اللي مد البصر قدام عينيك بعد ما ملك الموت بيحي يقف عند راسك بيحي في ملكان عن اليمين والشمال وزيفتهم ايه؟ وزيفتهم ان اول ما ملك الموت يطلع الروح لا يدعوا في يده طرفة عين. عشان كده اذ - [00:24:35](#)

يتلقى التلقي ده فيه لهفة. فتلقى ادم من ربه كلمات. فيه لهفة. ها از يتلقى المتلقين. يتلقون ايه؟ قال لك يتلقون روحك. اذ يتلقى المتلقين صيام عن اليمين وعن الشمال قعيد. الراجل طول عمره غافل ما هوش داري. فجأة يفتح عينه يلاقي فرقة ملائكة تموت قدامه. مد البصر - [00:24:55](#)

الملك موت عند راسه ويلاقي اثنين واقفين متلقين عايزين ايه؟ مستنيين اخذ الروح ليصعدوا بها. فاما تفتح لها ابواب السماء واما تغلق اذ يتلقى المتلقين عن اليمين وعن الشمال قعيد. ما يلفظ من قول الا لديه رقيب عتيد - [00:25:15](#)

دول مين دول هم كمان؟ مين رقيب عتيد دول؟ مين هزه الملائكة؟ قال لك دول الملكين بتوع الحسنات والسيئات. كل واحد منهم واقف برضو على اليمين والشمال بيسجل - [00:25:35](#)

الحسنات والسيئات. طب الوقت ده الراجل ده بيموت اصلا خلاص. هم ملائكة الحسنات والسيئات واقفين ليه؟ ده الراجل ده روحه بتطلع. لا قال لك اما طارق بن عاشور والفخر الرازي قال لك لان ساعة الاحتضار هيقول لا اله الا الله ولا لاً. ملك الحسنات مستني. هيقول - [00:25:45](#)

كلمة فيها سخط على الله زي الشاب اللي كان مع فتاة نزلوا تحت عربية نقل واحد جري يقول له قل لا اله الا الله والعياذ بالله قال انا بكرهه والعياذ بالله - [00:26:05](#)

اهو ده وهو بيموت وهو بيحضر قال كلمة كفر والعياذ بالله. واقفين حتى كلمة الاله يكتبوها. يعني واحد بيفتح عينه ملك موت ولقاه فرقة ملائكة موت ولقاه ملكين مستنيين روحه ولقى ملكين حسنات وسيئات يكتبوا عليه اعماله بيحضر ايه ده - [00:26:15](#)

ايه ده! يتلقى المتلقين عن اليمين وعن الشمال قعيد. ما يلفظ من قول حتى عند الموت الا لديه رقيب عتيد. وجاءت سكرة الموت بالحق. جت لحزة خروج الروح بقى. ذلك ما كنت منه تحيد. كل ده - [00:26:35](#)

الايات بتوصف اخر لحظة لك في الحياة. كأن ربنا بيقول لك هي دي نهايتها! هي دي اخره الدنيا اللي انت اتعشمت فيها وكلبشت فيها يا خسارة! يا خسارة صار يا ابن ادم يا خسارة يا ابن ادم يا اللي الدنيا خدعتك. وما عشتش وما عملتش حساب للحزة دي. ونفخ في الصور. فجأة الراجل ده دخل القبر - [00:26:55](#)

وتحاسب في القبر وطلع من القبر ونفخ في الصور. ذلك يوم الوعيد. يبقى الاية دي بتتكلم عن ايه؟ البعث لحظة البعث. وجاءت كل

معها سائق وشهيد. يلاقي ملكين مستنيينه على باب القبر. مين ده؟ ومين ده؟ سائق وشهيد. هيروحوا معه فين؟ هيروحوا معه في الحشر. هي - [00:27:15](#)

أقفوا مع والبعس غير الحشر. البعس ده والناس طالعة من تحت التراب اشتاتا. الناس كلها بتخبط في بعسه وصراخ. الابن مدفون جنب ابوه اللاتنين مبعوسين ما حدش بيبيص لحد. ملكات جمال العالم طالعين من تحت التراب. ما حدش اكثر شاب ما كانش بيغض بصره. ما حدش بيبيص لحد - [00:27:35](#)

ملوك الارض ومليارديرات الدنيا طالعين من تحت التراب. ما حدش بيبيص لحد لكل امرئ منهم يومئذ شأن يغنيه. وبعد البعس بيبيج الحشر. الحشر بقى الناس تترتب. المؤمنين هنا الكفار هنا. الزناة هنا. الحكام الزلما للي حادوا عن شرع الله هنا - [00:27:55](#)

الدعاء الى الله هنا. الحفاظ لكتاب الله هنا. الاخوات الملتزمات اللي لبسوا حجاب امهات المؤمنين هنا. المتبرجين شوية الكاسيات العاريات هنا عباد الفران هنا عباد الشمس هنا عباد يبقى الحشر ده ترتيب ارض المحشر. زي في الحج كده لما السعودية - [00:28:15](#)

اعمل التفويج. تفويج افواج بقى على حسب الاعمال. وشاءت كل نفس معها سائق وشهيد. ايه ده! لقد كنت في غفلة من هذا واحد فجأة لقي ملايكة موت وملك موت ومتلقيان وملكين بيكتبوا حسنات وسيئات - [00:28:35](#)

دخل القبر طالع لقي ملكين سائق وشهيد مستنيينه ايه ده! كل ده كان عشاني وانا مش داري! كل ده كان بيحصل عشاني وانا مش لقد كنت في غفلة من هذا فكشفنا عنك غطاءك. فبصرك اليوم حديد. يعني ايه كشفنا عنك غطاءك؟ قال لك ان - [00:28:55](#)

كل واحد منا يا جماعة فيه غطاء غفلة. يعني الغطاء ده مش حاجة قدرية. يعني ايه؟ يعني الاية مش بتقول لك ان انت في غطاء ما انتش شايف اخره. فلما تشوف الاخرة بقى تشوف الحقيقة لا ده الغطاء هنا غطاء الغفلة. ده الغطاء هنا افتتان ده هو بولاده. وافتتان ده - [00:29:15](#)

بمراته وافتتان الشاب دهو بالنساء وافتتان دهو بالمواع الفاسدة الفاجرة وافتتان بواب الفلوس وافتتان ده هوب في المركز والشهرة وافتتان دهو قال لك الغطاء ده كل واحد منا له غطاء. يا ترى غطاءك ايه؟ يا ترى الحاجة اللي معمية عليك - [00:29:35](#)

انك تشوف الدار الاخرة ايه فكشفنا عنك غطاءك. فبصرك اليوم حبيب. وقال قرينه. هذا ما لدي عتيد. مين قرين ده؟ قرين الملايكة هو انا اخليها قرين ملايكة! هو انا كان فيه ملك! مصاحبني! قال قرينه ربنا ما اطغيته! ده مين ده هو كمان! قال لك ده قرين الشياطين - [00:29:55](#)

قرنين الشياطين هو انا كان فيه قرين تاني شياطين مصاحبني الملك يأمرني بالخير والشيطان يأمرني بالشر. قال قرينه ربنا ما اطغيته يا رب اترمي معه في جهنم ليه! وانا ما لي! قال قرينه ربنا ما اطغيته! ولكن كان في ضلال بعيد. قال لا تختصموا - [00:30:15](#)

وقد قدمت اليكم بالوعيد ما يبذل القول لديه. ما فيش استئناف ولا نقض. خلصت وما يبذل القول لديه وما انا بظلام للعبيد. الراجل ده اتحكم عليه بجهنم فقبل ما يترمي في النار ربنا ينزر للنار قدامه. يوم نقول لجهنم هل امتلئت - [00:30:35](#)

خلاص العصاة بيلاقوا باب جهنم اتركبس من القطر اللي داخلينه. فيتهيا لهم ان جهنم اتملت فيفرحوا. فربنا يقول لها يا هل امتلأت وتقول هل من مزيد؟ تخيل احساس قلبه ايه؟ لما ربنا يقول جهنم دي كائن حي صدماتكم - [00:30:55](#)

كهربائية في صورة قاف. جهنم طلعت كائن حي بيتكلم. هل من مزيد يا رب؟ كل واحد عصاك يا رب. كل واحد انتحك حدودك يا مالك الملك. كل واحد حارب دينك يا رب. كل واحد غير شراعتك يا رب. كل واحد حارب اوليائه - [00:31:15](#)

اتق الله يا رب كل واحد انتحك حدودك يا رب. كل واحد عصاك واداك ضهره وتكبر على عبادتك يا رب. هل من مزيد كمان يا رب كمان يا رب انا في قلبي غلة على كل واحد عصاك. ولن يشفى هذا الغل الا لما يعذب في وتقول - [00:31:35](#)

هل من مزيد؟ جهنم طلعت كائن حي؟ اه تدعو من اكبر وتولى. يعني ايه تدعو بتنادي. يا فلان فلان تخيل واحد سمع صوت جهنم بيتنادى عليه. فلان الفلاني رايح مني فين؟ فادعو من ادبره وتولى - [00:31:55](#)

قال تعالى ان جهنم كانت مرصدا. يعني ايه مرصدا؟ زي هيئة الارصاد كده. يعني ايه هيئة الارصاد؟ يعني جهنم عارفة اللي هيتعزبوا فيها عارف لما يكون كمبيوتر عليه الصور والاسماء فاوول ما تشوف صورة الشخص على طول دا مطلوب داوتند من وهو طالع من

تحت التراب من البعس - 00:32:12

جهنم ترصده من وهو لسة طالع من تحت التراب. ويفضل طول البعس وطول الحشر وطول يوم القيامة خمسين الف سنة جهنم لحد ما ياذن لها الله فتلتقطه. من على الصراط او من على اي حاجة. تخيل وتقول هل من مزيد وازلف - 00:32:32

الجنة الله اكبر وازلفت الجنة. ده الجنة طلعت هي كمان كائن حي. ده الجنة طلعت هي كمان حبيب مشتاق لحبيبه ازلفت الجنة يعني الجنة بتقرب. وانت بتجري وتقرب. اتنين حبايب بيجروا على بعض في لقاء كله شوق - 00:32:52

هو مشتاق لها وهي مشتاقة له. ازلفت الجنة الجنة تبدأ تقرب للمتقين غير بعيد. خلاص يا جماعة. الحلم اللي انتم حلمتم به الليالي اللي انتم قمتوها وكان نفسكو تاموا. الايام اللي انتم صومتوها وكان نفسكو في بق مية. المرات اللي غضيت فيها بصرك وكان -

00:33:12

نفسك تبص الى ما حرم الله كل شهوة اطعتها عشان ربنا وعشان الجنة غير بعيد خلاص الحلم بقى بيني وبينك دقائق الجنة بقى بينها وبينك دقائق. نعيم الجنة بقى بيني وبينك دقائق. النزر لوجه الله قصور - 00:33:32

كل نعيم الجنة بقى بينك وبينه دقائق. وازلفت الجنة للمتقين غير بعيد. هذا شايفين ها هذا ما توعدون لكل اواب حفيظ اواب يعني مداوم على الطاعة. حفيظ يعني بعيد عن المعصية - 00:33:52

حدود الله. يعني ربنا قال الاول ان ان اللي داخل الجنة كان مجتهد في الطاعة ولا بعيد عن المعصية؟ الاول ايه اواب يعني مداوم على الطاعة. وبعد كده حفيظ بعيد عن المعصية. نستفاد من كده ايه؟ نستفيد من كده كل واحد وسطنا بواقع في معصية سر ومش

عارف يخلص منها - 00:34:12

واقف واقع في عادة سرية ومش عارف يخلص منها. واقف واقع في معصية غرس فيها ومش عارف يخلص منها. عارف تخلص منها ازاي؟ انك تدخل في حياتك طاعات جديدة. مش انك تقعد تخبط راسك في الحيطه. وتقول انا مزنب الحقوني وتقعد تنوح. لا. انك

تدخل في حياتك. ابدأ احفظ - 00:34:32

قرآن. ابدأ صوم اتنين وخميس. ابدأ التحق بيئة ايمان وشف صحبة صالحة. ابدأ احضر درس اسبوعي. ابدأ دخل الطاعة فدخلت الطاعة من الباب هربت المعصية من الشباك. يبقى ازاي تتخلص من المعصية اللي مالية حياتك وجايبة لك احباط نفسي بانك -

00:34:52

انت تزود مساحة الطاعة في حياتك. وكل ما تزيد مساحة الطاعة تقلص مساحة المعصية هذا ما توعدون لكل اواب حفيظ. من خشى الرحمن بالغيب وجاء بقلب منيب. ادخلوها بسلام. الكلمة اللي نفسنا - 00:35:12

نسمعها في يوم من الايام ادخلوها يا رب لسة في الصراط يا رب. ده ده كان العرض على الله اللي فات. يا رب لسة الصراط. خلاص الف مبروك. عميد الكلية واقف لك على باب - 00:35:30

لجنة قبل ما تدخل تمتحن بيقول لك الف مبروك. يعني خلاص معدي. ادخلوها بسلام لحد هيوقفك على الصراط على القنطرة معدي ذلك يوم الخلود لهم ما يشاؤون فيها ولدينا مزيد. المزيد اللي هو الايه؟ النزر له - 00:35:40

لوجه الله. يبقى الصفحة دهي اتكلمت عن الاحتضار. واتكلمت على البعس واتكلمت على الحشر. واتكلمت على العرض على الله. واتكلمت عن جهنم انها كائن حي. واتكلمت عن الجنة وانها كائن حي. واتكلمت عن الصراط والقنطرة. واتكلمت عن النزر لوجه الله. في

صفحة واحدة. في صفحة - 00:36:00

صفحة واحدة ربنا لخص لك الدار الاخرة كلها. اعجاز القرآن يا اخواني في الله. مين فينا بيقرا القرآن؟ مين فينا متصل مع القرآن من بعد رمضان؟ مين فينا بيقرا كده مين فينا بيسلم قلبه القرآن مين فينا عايز القرآن المجيد؟ يصنع امجاد في حياته مين فينا عايز

يغسل قلبه بالقرآن - 00:36:20

اقول قولي هذا واستغفر الله لي ولكم الحمد لله وكفى. وصلاة وسلاما على عباده الذين اصطفاه. برجاء من المصلين ضم الصفوف يا اخواني. لوجه الله تتفصحوا في المجالس يا اخواني كده نوسع لبعض يا جماعة. الدين الجميل يا جماعة الدين العملي. الدين مش انك

انت تسمع الخطبة وانت مرتاح. واخوك واقف في الشمس. الدين ان احنا - [00:36:40](#)

لبعض ونحب بعض ونبقى بيئة ايمان واحدة مع بعض. اديني العمل يا اخواننا. الدين العملي. يعني يعني نرجو هذا لوجه الله جزاكم الله خيرا ربنا يبارك فيكم يا رب. ويفسح لكم في الدنيا والقبر والاخرة يا رب اللهم امين. الحمد لله وكفى وصلاة وسلاما على عباده - [00:37:28](#)

الذين اصطفى. اللهم لك الحمد كله ولك الملك كله وببيدك الخير كله. واليك يرجع الامر كله. اللهم صل على عبدك ونبيك محمد صلى الله عليه وسلم في الاولين والآخرين وفي كل وقت وحين. اما بعد اخواني واحبابي في الله تخيل كده لو واحد - [00:37:48](#) جه عليها شوية وساخة. شوية طين كده لازقين في ايده. فقامت جايب برميل مية كبير جدا وقمت ايه اربعة شالوه معي قمت كابب البرميل كله على ايديه. ايديه هتنضف لأ. طب قمت بقى جايب نص ازازة مية صغيرة من البرميل الكبير قوي قوي هنا هو وقمت بادئ واحد - [00:38:08](#)

على ايديه. آآ نقطة نقطة وانا افعد ايه امسح ايديا يحصل فيها ايه؟ هتنضف. يبقى القضية مش كمية. القضية انت بتعمل ايه؟ فيه واحد بيحب القرآن فيه ناس بتعمل كده في رمضان، يجيب القرآن كله! ورا بعضه كده، وختمت تسع مرات. الله اكبر - [00:38:35](#) ما انت هتقعد حدشر شهر مش هتقرا قرآن اصلا. لانك بتقرا بطريقة غريبة. يعني انت لسة ما وصلتش لدرجة انك تقرا بهزه الطريقة. فقام جايب برميل الماية وقام كابه على الوسخ - [00:38:55](#)

اللي في قلبه ما نضفش. خرج من رمضان قرب ما دخل رمضان. خرج من رمضان قلبه مليون شهوات ومليان مشاكل. ولمعصية السر اللي كان بيوقع فيها قبل رمضان رجع لها ثاني - [00:39:05](#)

فيه واحد بقى جاب الاية وبدأ يايه ينضف بها قلبه. ينضف بها قلبه. ده اللي ربنا قاله في سورة قاف حينما قال قال ان في ذلك اي في هذه الايات اللي تزلزل القلب لذكرى لمين يا رب؟ لمن كان له قلب. يا نهار ابيض - [00:39:15](#) طب يا رب احنا ما لناش قلب يا رب. قلبي يا رب. دا الناس اللي لها قلب حي دي يا رب ناس غيرنا خالص. احنا يا رب قلوبنا ميتة. يعني احنا ما فيش امل؟ لأ في امل. فين - [00:39:35](#)

او ان في ذلك لذكرى لمن كان له قلب. او القى السمع وهو شهيد. ركز مع كل كلمة في الاية وعاش بقلبه مع كل مشهد في الاية. يعني قرا القرآن صح يا جماعة. يعني ربنا يعني الاية بتقول لك - [00:39:45](#)

عايز قلبك ينضف بالقرآن. اقرا القرآن صح. نقرا اللي بيقرأ الجرنال صفحة الرياضة. تيجي تقول له ايه الاخبار؟ يقول لك رونالدو عمل قلب عمل وريفالدو راح والبارسا عمله نهائي دوري ابطال اوروبا حصل ايه ده كل ده وانت بتقرا كده يقرا سورة المائدة تقول له ايه؟ وصلت لايه؟ يقول لك - [00:40:05](#)

جميلة. كلام ربنا جميل يا اخي. طب ما سورة المائدة بتتكلم عليه. والله ما انا عارف ولا كلمة. ولا اعرف اقول لك اي حاجة. انما جميل يا اخي. جميل. جميل. طب سورة - [00:40:25](#)

النساء بتتكلم عن ايه والله ما اعرف اي حاجة. طب سورة التوبة ولا بوز انا معلوماتي عن سورة التوبة زي معلوماتك عن اللغة الصينية كده بالزبط. امال انت بتقرا بتعمل ايه - [00:40:35](#)

مرة اديت خطبة جمعة عن الترابط الموضوعي في سورة البقرة. عن اعجاز ترابط سورة البقرة. فكان فيه اخ جاي يوصلني. فاحنا راجعين بعدها بيقول لي تصدق ان انا كل ختمات القرآن بتاعتي ما بقراش فيها سورة البقرة قال لي لما اخلص سورة الناس اقوم داخل على ال عمران على طول. اقول له ليقول لي - [00:40:45](#)

مش فاهم فيها حاجة. مش فاهم فيها حاجة. طب ما تحاول تفهم يا اخي. طب ما تحاول تفهم ده مصيرك يا ابني. ده مستقبلك او القى السمع وهو شهيد نقرا القرآن صح يا جماعة. تعالوا نطبق تطبيق عملي. تطبيق العمل الاولاني هو ان سورة الكهف تروح كده اللي ما قرأهاش النهاردة - [00:41:05](#)

روح اقرا سورة الكهف. هو لما الرسول يقول لك اقراه كل اسبوع يبقى معناها ايه معناها ان الصورة دي فيها حاجة. معناها ان الصورة

ديت فيها رسالة قوية قوي للامة. اهل الكهف اللي ضحوا بشبابهم اولاد ملوك. شباب زي الورد. ما اتجوزوش - [00:41:25](#)
شو ما خلفوش وضحوا بالدنيا وراحوا عاشوا في كهف ضلمة. ليه؟ عشانك يا رب. عشان كده السورة اتسمت سورة الكهف ليه؟ لان
صاحب الجنتين خرج يدعو الى الله. بس هاروح بيته ياكل مع مراته اخر اليوم. موسى والخضر خرجوا للخضر. بس بعد شهر
هيرجعوا بيوتهم وكل سيدنا - [00:41:40](#)

ذو القرنين لف مشرق الارض مغربا بس هيرجع بلده. انما دول ناس خرجوا مش راجعين تاني. دول ناس ضحوا بكل حاجة عشان ربنا.
عشان كده السورة اتسمت باسم سورة الكهف كل سورة بتعلمك ان لازم يبقى لك كهف، لازم يبقى لك بيئة ايمان. فاووا الى الكهف.
أؤوا الى - [00:42:00](#)

ينشر لكم ربكم من رحمته. فين بيئة الايمان اللي انت بتأوي اليها؟ فين مين الاخوة الصالحين اللي انت مصاحبهم؟ فين الدروس
الايمانية اللي انت بتحضرها يا اخواننا بيئة الايمان. عشان كده بعد الخطبة ان شاء الله بازن الله. اول ما هنخلص صلاة هامسك
الميكروفون. وهنعمل مع بعض مشروع صغنن خالص - [00:42:20](#)

خالص خالص في نص ساعة كده. اسمه مشروع الورش الايمانية. ايه الورش الايمانية؟ ده مشروع بسيط جدا. هو فكرته كلها ان
المسجد يبقى حلقات مسلا المجموعة دي تبقى حلقة. مجموعة - [00:42:40](#)
تبقى الحلقة المجهولة تبقى حلقة هكزا. كل حلقة يتعرفوا على بعض. يتعرفوا على بعض. تعارف جميل كده ديني. ها جميل. ويبدأوا
كل واحد يقولوا هو ويعمل ايه لحد العيد الكبير؟ ناوي يعمل ايه في عشر ذي الحجة اللي جاية؟ نبدأ نتعرف. لان دلوقتي المسجد
فيه درس وعظي كل يوم سبت من اول بكرة - [00:42:50](#)

كل سبت بعد صلاة العشاء تصلي العشاء هنا ان شاء الله في درس وعظ ايماني. يبقى ايه؟ طب ما تيجي نتقابل في الدرس ده كل
سبب. هيقوم مسلا من عشرين واحد ثلاثة يقولوا اه نتقابل. دول لو استمرم شفهم بعد سنة واحدة يبقى مستواهم في الدين ايه. شف
ربنا هيرفعهم - [00:43:10](#)

قد ايه؟ جماعة عايزين دين عمل يا جماعة. مش عايزين دين سمعنا واستمتعنا. عايزين دين سامعنا واطعنا. لازم لازم يبقى فيه نقلة
في علاقتنا بدين الله. لازم نرضي الله. انما دين السماع ده دين السماع ده مش هينفع يا جماعة. مش هنقدر - [00:43:30](#)
الامة دي مش هتقوم على رجليها كده. من غير ما نطبق الدين بحق وحقيقي. يبقى سورة الكهف. بعد كده تلاقي موسى والخاطب
فانطلقا حتى اذا لقي غلاما فانطلقا حتى اذا ركب في السفينة فانطلقا حتى اذا اتى يا اهل قرية سورة بتقول لك انطلق - [00:43:50](#)
بتقول لك قم. خل عندك همة. بعد كده يجيزوك قرنين. بلغ مغرب الشمس. بلغ مطلع الشمس. عشان كده سموه ذو القرنين لانه جاب
قرني الارض مشرقها ومغربها لف الدنيا كلها عشان ربنا سورة بتقول لك فوق شف فيه مؤمنين ضحوا عشان ربنا قد ايه. شف -

[00:44:10](#)
في ناس عندها عزيمة في دين ربنا قد ايه. عشان كده بنقراها كل يوم جمعة ليه؟ عشان تدور على نفسك. انت مين هنا؟ انت تبع اهل
الكهف ولا تبع الداعية اللي بيدعو صاحب الجنتين ولا انت طالب علم زي موسى والخضر؟ مستعد تسافر بلاد عشان تلت مسائل من
معرفة الله - [00:44:30](#)

لا انت مجاهد وراجل بتعمر الدنيا وراجل بتعمر الارض زي ذو القرنين. انت مين؟ انت لازم تبقى واحد من دول انت لازم تلاقي لنفسك
مكان في سورة الكهف. لازم تلاقي نفسك مكان فيها. وفي وسط كل دول ربنا يقول واصبر نفسك مع الذين يدعون ربهم. يعني اصبر -
[00:44:50](#)

يعني لازم يبقى فيه بيئة ايمان لازم يبقى فيه تربية. التربية هي اللي هتخرج النماذج البطولية دي كلها. لو انت ما دخلتش بيت ايمان
مش هتتربى. لو انت ما عشتش - [00:45:10](#)

ايمانية مش هتتربى والبيئة الايمانية هنا وسط الصحبة دي. انما عيب يا جماعة. عيب ان انا لو سألت اخونا الفاضل ده هو قلت له
تعرف ده يقول لأ، طب انت تعرف ده لأ، طب انت تعرف ده لأ. ازاى؟ ده كل واحد من اللي قاعدين فرصة انك تقف في ظل عرش

الله. ازاى ما تعرفوش بعض! ازاى ما - 00:45:20

بعض. ازاى ما تحسوش بعزوة اللتزام كده في المجتمع وانتم بتتقابلوا في الشارع تضحكوا في وش بعض. وده يعزم صاحبه على عصير قصب. معرفة ايه معرفة الجامع معرفة بيئة ايمان معرفة درس اسبوعي هو ده اللي هيرجع الدين تاني. هو ده اللي هيقومنا

تاني ان ترجع بقية الايمان تاني - 00:45:40

هكلمكم في الموضوع ده ان شاء الله في ثلاث دقائق وبعد كده الابطال المغاوير بقى اللي هو حضراتكم بازن الله سبحانه وتعالى آآ نبدأ نعمل هذا الامر واياه يعني ونبدأ نعمل هذه الفكرة الجميلة يبقى التوصية يا اخواني روح اقرا سورة الكهف كده بس اقراها بقلبك

كده. عش بقى مع القرآن. حدد ورد القرآن الوقتي - 00:46:00

يا عم ربع في اليوم. يا عم صفحة في اليوم. صفحة ازاى يا شيخ! يا عم ما هو انت ما بتقراش اصلا! هو احنا يا جماعة نقعد نضحك

على بعض! ولا يجوز اقل من - 00:46:20

طيب يا سيدي. انا ده هو اصلا جزء قليل في اليوم. ولكن ولكن الناس ما بتقراش. الناس هاجرة لكتاب الله. حدد ولو صفحة. بس

تقراها كل يوم بخشوع. قل انا كل يوم بعد صلاة المغرب او بعد العصر او بعد الفجر - 00:46:30

هقرأ صفحة او هقرأ ربع. وربنا بقى اعانك وامدك بروح منه. اقرا يا عم خمس تجزاء بس ما تقلش عن ايه؟ ما تقلش عن الربع ده. ما تقلش عن الصفحة ديت خلي لك ورد قرآن تدبر قرآن سورة قاف احنا النهاردة اتكلمنا عن بعض معاني فيها كتير بفضلته بنعمة الله روح

بالليل - 00:46:48

بعد صلاة العشاء اقل على نفسك او ضحك. وصل يا عم بقى نص ساعة كده قيام ليل. او ساعة اللي ربنا يعينك مش عايز اقول لك او

ساعتين. صل اغسل قلبك بقى. كب المائة - 00:47:08

على الوسخ بتاع القلب ونصف بقى. نصف بقى لقد كنت في غفلة عش. عش. هل من مزيد؟ عش. عش مع القرآن. سلم قلبك لكتاب

الله ربنا يسددكم. اسأل الله سبحانه وتعالى اللهم انزل من بركاتك ورحماتك علينا جميعا. اللهم انزل من بركاتك ورحمتك - 00:47:18

جعل اهل هذه البلدة اللهم بارك لهم في ايمانهم وبقينهم. اللهم بارك لهم في اخوتهم وحسن توكلهم عليك. اللهم بارك لهم في ارزاقهم

اللهم فرج كربنا. اللهم اشف امراضنا. اللهم ارحم امواتنا. اللهم اغفر للمؤمنين والمؤمنات. اللهم اغفر للمؤمنين والمؤمنات - 00:47:38

اللهم استعملنا ولا تستبدل بنا. اللهم استعملنا ولا تستبدل بنا. اللهم استعملنا ولا تستبدل بنا. اللهم استغفرك من كل ذنب عصيانك به.

ونستغفرك من كل صلاة ضيعناها. ونستغفرك من كل معصية سر جعلناك فيها - 00:47:58

اهون الناظرين الينا ونستغفرك من كل معصية تبنا اليك منها ثم عدنا فيها. يا من تبسط يدك بالليل ليتوب مسيء النهار. تب اين يا ربنا

من ذنوب الليل والنهار؟ اللهم طهر مصر من المواقع الفاسدة. اللهم طهر مصر من الزنا والخنا. اللهم طهر مصر من الخمر والمخدرات -

00:48:18

اللهم طهر مصر من الرشوة والربا. اللهم طهر مصر من التبرج والسفور. اللهم طهر مصر من كل شرع يخالف شرعك. اللهم انصر دينك

واعز اوليائك. اللهم اذن لدينك ان يسود. واذن لشرعك ان يقود. واذن لكتابك ان يحكم - 00:48:38

اللهم اهدنا واهد بنا واجعلنا سببا لمن اهتدى. اللهم الف بين قلوب المصريين على طاعتك وابتغاء مرضاتك. اللهم الف بين قلوب

المصريين على طاعة بك وابتغاء مرضاتك. ربي انا مغلوبون فانتصر. ربي انا مغلوبون فانتصر. ربي انا مغلوبون فانتصر. سبحانك

اللهم - 00:48:58

بحمدك اشهد ان لا اله الا انت استغفرك واتوب اليك الله اكبر الله اكبر - 00:49:18